

**Naalakkersuisut siulittaasuat**

Inatsisartunut ilaasortaq Jens B. Frederiksen  
c/o Inatsisartut Allattoqarfiat  
Maani

### **Lise Lennert Olsenip KIIP-imi pisortatut atorfinitsinneqarnera pillugu naalakkersuisunut apeqqutit**

Lise Lennert Olsenip KIIP-imi pisortatut atorfinitsinneqarnera pillugu ulloq 22. marts 2006-imi apeqqutinik assigiinngitsunik apeqquteqaateqarputit.

*Apeqqut:*

Pisortatut atorfik siullermik aappasaanillu inuttassarsiuunneqarmat KIIP qinnuteqartunik qassinik tigusaqarpa?

*Akissut:*

Atorfik siullermik inuttassarsiuunneqarmat qinnuteqaatit qulit tiguneqarput. Atorfiup inuttassarsiuuteqqinneqarnerata kingorna qinnuteqaatit allat tallimat tiguneqarput.

Paatsoortoqaqqunagu oqaatigineqassaaq qinnuteqaatit KIIP-imit tiguneqanngimata atorfilli innutassarsiuunneqartoq naapertorlugu Naalakkersuisut Allattoqarfiannut tunniunneqarlutik.

*Apeqqut:*

Siullermik aappasaanillu qinnuteqartut qassit oqaloqatigiinnissamut aggersarneqarpat?

*Akissut:*

Naliliinermut ataatsimiititaliap qinnuteqartoq ataaseq oqaloqatigiinnissamut aggersarsimavaa, tamannalu pivoq atorfiup aappasaanik inuttassarsiuunneqarnerani.

*Apeqqut:*

Naliliinermut ataatsimiititaliaq qanoq katitigaasimava?

*Akissut:*

Naliliinermut ataatsimiititaliamiipput Namminersornerullutik Oqartussani pisortaneq, KIIP-imi aqutsisoqatigiinnit aallartitaq ataaseq, KIIP-imi sulisunit aallartitaq ataaseq aammalu qitiusumik allaffeqarfimmi Hovedsamarbejdsudvalgimit sulisunit aallartitaq ataaseq.

Ilisimatitsissutigineqassaaq KIIP pisortanik atorfinitsitsisarneq pillugu kaajallaasitaliorsimangimmat, soorluttaaq pisortaqarfik atorfiit allat inuttalerneqartarnerat

23. marts 2006  
J.nr. 02.14

Postboks 1015  
3900 Nuuk  
Oq/tel +299 34 50 00  
Fax +299 32 50 02  
govsec@gh.gl  
www.nanoq.gl

pillugu nammineq kaajallaasitaateqanngitsoq. Naliliinermut ataatsimiititaliat pillugit pisorta qarfiit tamarmik kaajallaasitaliunneqarsimapput, tamatumanili pisortanik atorfinitsitsinerit ilaatinneqarnatik. Kaajallaasitap assilinera ilanngunneqarpoq.

Taamaakkaluartoq qitiusumik allaffeqarfimmi pisortanik atorfinitsitsinerit pillugit suliani pisuni tamani aalajangiinerit kingorna naliliinermut ataatsimiititaliortoqartarpoq. Naliliinermut ataatsimiititaliaq qinnuteqaatinik tiguneqartunik nalilersuisarpoq, atorfinitsitsinissamut atatillugu oqaloqatiginnittarpoq pisorta qarfirmilu atorfinitsitsiviusussami naalakkersuisunut ilaasortamut inassuteqartarluni.

Inussiarnersumik inuulluaqqusillunga

Doris Jakobsen